

Canarien:

9 bis b
Eñe, & Rñe Dñe: **D** Vplici vice superiori-
bus annis Fr. Gaspar de
Herrera Religiosus Ordinis Heremitarum Sancti Augustini Pro-
uinciæ Canarien. dispotico gubernio subierat munia Prouinciala-
tus, & prætextu huius replicati Officij ita rem disposuit, quod
Religiosorum Animis partim amore allicitis, & partim timore
concussis, cæteræ quoque subsequentes Prouincialium Electiones
ab eius nutu penderent, & tantum eius malitia, sedaque morum
prauitas excreuit, quod relaxata penitus omni regulari discipli-
na ipse permittebat diu, noctuq; publicum alearum ludum in pro-
pria Cellula interuenientibus ibi mixtim Religiosis, & Sæcularibus,
Officium Diuinum non recitabat, minusque celebrabat amplius
Missæ Sacrificium, libellum formauerat infamem contra Priorem,
& Religiosos Conuentus Realexensis, & ex causa cuiusdam sui cu-
randi morbi utebatur etiam opera cuiusdam Mulieris quæ commu-
niter malefica, & continuò vendita veneficio reputabatur, vt con-
stat ex documentis ab Aula Matritensi transmissis, & per medium
Reuerendissimi Molines tunc temporis Regij Ministri in hac Sacra
Congregatione exhibitis *Summ. Num. 1. litt. B.*

Parique modo non dissimilis erat viuendi norma aliorum quoque Re-
ligiosorum, inter quos Fr. Nicolaus de Torres Aduersarius, & Fr.
Visitator Sebastianus à S. Hieronymo continuò diu, noctuque ex-
tra Conuentum morabantur in diuersis Domibus particularibus,
vbi dimisso habitu Religioso publicum alearum ludum cum sæcu-
laribus agebant, & se se cum retentis Mulieribus continuò misce-
bant *Summ. d. Num. 1. litt. C.*

Hinc R. P. Ioannes Sirac de eo tunc emeritus Prouincialis non valens
tolerare huiusmodi publica delicta, prauamque Religiosorum vi-
tam, ad denunciationem P. Prioris Conuentus Realexensis, & alio-
rum quoque sæcularium suum formare capit causa Processus,
tam contra supradictos tres Religiosos, quam contra Priorem
Conuentus de Orotaua, & Rectorem Collegij de Garachico *Sum-
d. Num. 1. litt. C. & D.*

Ad huiusmodi tamen inquisitionem prosterndam ferè illicò præci-
tati PP. Gaspar Herrera, Prouincialis absolutus, Nicolaus de
Torres Aduersarius, & Definitor, & Sebastianus à S. Hieronymo
Visitator tentarunt quamdam Congregationem intermediam con-
vocare, de quo habita notitia per Prouincialem Sirac, ac Priorem
& Religiosos Conuentus Realexensis isti omnes protestati fuerunt
de nullitate *Summar. Num. 1. litt. F.* Sed non obstante huiusmodi
protestatione, adhuc præcitati Religiosi delinquentes, & inquisi-
ti volentes omni via, & arte prædicti Processus fabricationem

eludere, eandem Congregationem intermediam vñacum eorum interuentu, & aliorum sex Religioſorum de Menſe Oſtobris eiufdem Anni 1712. celebrari curarunt, vbi inter alia decreuerunt, quod omnes, & ſinguli Proceſſus, & Inquiſitiones factæ contra Capitulares, quoties non fuiſſent per Sententiam terminatæ per duos Menſes ante huiusmodi Congregationem Intermediam haberentur prò nullis, & inualidis. Rurſus per aliud Decretum impartiti fuerunt facultatem d. P. Gaſpari Herrera Prouinciali abſoluto, vt poſſet liberè morari, & habitare in Portu de Orotaua in aliqua particulari Domo, aut Hoſpitiſ occulto cum obligatione tamèn Priori Conuentus Realexenſis cum ſinibi manutenendi vna cum Laico perindè ac ſi in dicto Conuentu moraretur; Itidemque ordinarunt, quod reſtituerentur eidem P. Herrera Cellula, & Mobilia, ac ſupelleſtilia, quæ habebat in dicto Conuentu Realexenſi, ac etiam vſusfructus cuiuſdam Vineæ, qua fruebatur propè eundem Conuentum Realexenſem, *Summario dicto Num. 1. litt. E.*

Appellantibus autem eiſdem R. P. Prouinciali Sirac, ac Priore, & Religioſis d. Conuentus Realexenſis ab huiusmodi Congregatione intermedia, & ab omnibus in ea nullitèr, & de facto reſolutis, *Summario dicto Num. 1. litt. G.* & comperto interim, quod P. Herrera à Menſe Martij vſque ad Menſem Iunij Anni 1713. plures diſſet Epistoſas ad Sereniſſimum Regem Catholicum, *Summ. dicto Num. 1. litt. H.* coactus ideò fuit P. Prouincialis Sirac licentiam, & facultatem concedere duobus Religioſis, nempe P. Franciſco Llerena, & Saluatori Suarez, vt Romam peterent ad effectum certiorandi Reuerendiſſimum P. Generalem de omnibus ijs, quæ geſta fuerunt in Partibus, & præciſè ad effectum præueniendi, & arcendi ſcandala, diſſentiones, & diſſidia, quæ oriri poterant in Electione Prouincialis, quæ fieri debebat in proximo Menſe Aprilis Anni 1714. *Summ. dicto Num. 1. litt. I.*, quibus primùm peruentis ad Aulam Matritenſem exhibita notiſia Regij Decreti de non recognoscendo in Miniſtrum Generalem Reuerendiſſimum Summaticum ſuum porrexerunt ſupplicem libellum Sereniſſimo Regi, vbi exponendo omnia geſta, & acta per P. Herrera, Nicolaum Torres, & Sebaſtianum à S. Hieronymo, alioſque eorum Aſſeclas in Capitulo intermedio ad ſolum finem diſpotice celebrandi proximum Capitulum Prouinciale petierunt ſibi ſuper præmiſſis de opportuno remedio prouideri, remiſſisque ſub die 6. Septembris 1713. eorum præcibus ad Regium Conſilium, *Summ. dicto Num. 1. litt. K. & L.*, auditoque D. Fiſcali, ac re maturè diſceſſa, tandem ex iuſſu, & determinatione Sereniſſimi Regis facta fuit deputatio cuiuſdem perſonæ Eccleſiaſtica, nempe D. Gregorij Mercado, qui Partes audiret, & poſteà referret, *Summ. dicto Num. 1. litt. M. & N.*, vndè adductis coràm eo neceſſarijs, & opportunis documentis

ijſque viſis, & conſideratis etiam per D. Fiſcalem, iſte omnia
retulit ad Regium Conſilium, & iſtud eam prouiſionem ſuſcepit
vt nempe ordinaretur Capitaneo Generali, & Gubernatori Inſula-
rum Canarienſium, quod informaret ſuper ſtatu prædictorum il-
lius Prouinciæ Religioſorum, ac ſuper ſcandalis, quæ timeri pote-
rant occasione proximè faciendæ celebrationis Capituli Prouin-
cialis, & hanc Conſilij reſolutionem ipſe met etiam Sereniſſimus
Rex approbavit, & confirmauit, *Summario dicto Numero primo
lit. O. P. Q.*

Dum hæc agebantur peruenit interim quædam Epiſtola eiſdem Gu-
bernatoris, ac Capitanei Generalis Inſularium Canarienſium dire-
cta Excmo D. Præſidi Ronchillo, notificando eidem diſcordias,
& ſcandalia eorundem Religioſorum, & vnaſimul teſtimonium
perhibendo de optima qualitate, ac bonis moribus R. P. Prouin-
cialis Sirac, ac tranſmittendo debitas, & opportunas iuſtifica-
tiones abundè conuincentes P. Herrera eſſe Originarium Authorem
omnium ſcandalorum, & diſſentionum illius Prouinciæ propter diſ-
poticum gubernium, quod pænès ſe omnino retinere volebat,
proit ex tenore eiſdem Epiſtolæ Excmi Gubernatoris, ac Capi-
tanei Generalis *Summ. d. num. 1. lit. R., & S.*

Quia tamèn properabat tempus, quo deueniri debet ad conuoca-
tionem Capituli Prouincialis præ faciendâ electione alterius Mini-
ſtri Prouincialis iuxta Conſtitutiones, & uſum, ac conſuetudinem
Religionis, cum Officium P. Prouincialis Sirac eſſet terminaturum
de próximo Menſe Aprilis anni 1714., ad quod deficiebant tan-
tùm ſex circiter Menſes, hinc R. Herrera, P. Torres, P. Sebaſtia-
nus à S. Hyeronimo, P. Vargas, & cæteri Aſſectæ curantes manu-
tenere non ſolum ea omnia; quæ peregerant in ſupradicta Con-
gregatione Intermedia, ſed etiam, & præciſè præ habenda Electio-
ne futuri Prouincialis vnacum omnibus alijs Miniſtris, & Priori-
bus Ven. Conuentuum ad eorum omnimodum, arbitrium,
& voluntatem grauiter, ac ſcandalosè conſpirarunt in P. Prouin-
ciali omni cum laude gubernantem; Quocirca ſub die 11. Oc-
tobris 1713. ſummo mane P. Magiſter Herrera aſſociatus cum
octo alijs Religioſis ſi ita vocari poſſunt armata manu poritus fuit
Conuentu Realexanſi, vbi conuocato quodam Conciliabulo, in
quo duobus tantùm Definitoribus interuenientibus nempe P. Tor-
res, & Iosepho Vargas, & ſine vlla alia requiſitione aliorum duo-
rum Definitorum abſentium ſuperadditis in illorum locum alijs
duobus ad eorum arbitrium, nempe P. philippo Pinto, & Petro
de Aguiar ſtatim, & in continenti ſpræta, & conſultata omni le-
getam Diuina, quam humana deuenitum fuit ad priuationem P.
Prouincialis Sirac eumdem excommunicando, ac ordinando, vt
in Conuentu Icodenſi vbi reperiebatur Carceribus manciparetur
Summ. d. num. 1. lit. T., & V., quare prædictus P. Sirac Prouin-
cia-

cialis habita de his omnibus noticia decreuit, & ordinauit, quod omnes Religiosi ab eo inquisiti, & processati, & ipse etiam Secretarius Prouinciæ Secumferens sigilla vnacum alijs Religiosis diuersorum Conuentuum, qui omnes sese tumultuariè coadunarunt sub Imperio, & Deuotione P. Herrera in Conuentu Realexensi, vbi clausis Ianuis Conuentus, & Ecclesiæ, & derelictis Diuinis Sacrificijs in graue Populi Scandalum, & Animarum præiudiciu, sese in libertatem asseruerunt, semetipsum P. Sirac prò eorum legitimo Prælato, & Superiore recognouerunt, & ad eorum Conuentus redirent, quodque Secretarius Prouinciæ Sigilla reportaret sub pena excommunicationis, & cum Notarius Religiosus è Conuentu de Orotaua accessisset ad alterum Realexensem prò notificando huiusmodi Decreto Religiosis Refractarijs inibi morantibus ingressus fuit per Ianuam Ecclesiæ, & dum ibi orabat, aduenerunt præfati Religiosi Refractarij, & cum verbis iniurijs, ac varijs ictibus eundem vnacum Sæcularibus, qui occurrere voluerunt nõ sine magno totius Populi Scandalo ab Ecclesia deiecerunt, & cum postea eundem Notarium Religiosum ferè lacerum intrà septa Monasterij introduxissent, ipse adhuc parendo mandatis d. P. Sirac Prouincialis, vt par erat notificauit præcitatis omnibus Religiosis Refractarijs memoratum Decretum *Summ. d. uu. 1. litt. A. A.*, qua stante notificatione cum adhuc non parerent, idem P. Sirac Prouincialis declarauit eos in excommunicationem incurfos, ordinando, vt Cædulones publicè affigerentur, qua de re eodem Religioso Notario redeunte prò secunda vice ad Conuentum Realexensem, illos affixit super portam eiusdem Conuentus, sed exevnte statim à Conuentu quodam Religioso Bartholomeo Aluarez præmanibus baculum habente prædictos Cædulones impetuesè laceravit, & beneficio Populi aduentantis, occurrentis quæ præfatus Notarius aufugit illesus *Summ. d. num. 1. litt. B. B.*

Iàm dispersa, & confusa tota Prouincia malum continuò ingruerat, cum enim sub die 27. Octobris eiusdem anni 1713. circa primam noctis horam tres Religiosi Refractarij ex illis Socijs P. Herrera ingressi fuissent Conuentum de Orotaua, vbi permanebat Pater Sirac Prouincialis, & cum eos interrogasset ex qua causa non reuerterentur ad eorum Conuentus, temerarium responsum dederunt, propter quod præcepit, quod in vnâ Cellam abirent ibique tamquam in Carcere permanerent; & cum huiusmodi præceptum subfanarent, dum fiebat diligentia, vt in Carcerem detruderentur, alter ex eis, quemdam pugionem, seu Caltrum, quem detinebat occultum euaginavit, ipsam met P. Prouincialem vulneraturus, & alij duo cum baculis, quos secumferebant verberarunt duos Religiosos, & vnum ex eis cum Sanguinis effusione *Summ. d. num. 1. litt. C. C.*, de quibus omnibus certiorato per P. Sirac Prouincialem Excmo Governatore, ac Capitaneo Generali superiniuncta

eidem illa alia quoque notitia, quod cum ipse P. Sirac Prouincia-
lis discessisset à Conuentu de Orotaua, & petijffet alterum Reale-
xensem non potuit illum ingredi proptèr inibi inuentas Ianuas oc-
clusas ex ordine, & mandato Patris Herrera, & quamuis sese in-
terposuiffet Gubernator illius Loci, adhuc nihil profuit eius Au-
thoritas, cum omnes Religiosi Armis, & baculis onusti eidem
Gubernatori responderint sese vsquè ad vltimam guttam, Sanguini
velle tueri partes Patris Herrera *Summ. d. num. 1. litt. D. D.*,
vndè his omnibus auditis præfatus Capitaneus Generalis conuo-
cauit primo loco Aduocatos Regiæ Audientiæ, & deindè etiam
Theologos Sæculares, & Regulares aliarum Religionum, qui di-
xerunt, quod omnes Religiosi prædicti Conuentus Realexensis vo-
carentur ad Domum D. Gubernatoris prò ijsdem Controuerfijs
componendis, & quatenus nollent accedere, quod ipse Guberna-
tor teneretur auxilium præstare eidem P. Sirac Prouinciali, cum
ille haberet suam Iurisdictionem incontrouertibilem cognitam, &
patentem *Summ. d. num. 1. litt. E. E.*

Eodemque tempore Litteras quoque dederunt ad Eundem Exc'mum
Capitaneum Generalem alij Religiosi Refractarij plura narrando,
vel falsa, vel æquioca tam circa prætenfam facultatem Defini-
torij de priuando P. Prouincialem, quod tamèn est omninò insub-
sistens, cum Definitorium iuxta Constitutiones Ordinis non ha-
beat hanc potestatem, quam etiàm circa prætenfos excessus eius-
dem P. Sirac nullibi probatos, nequè iustificatos *Summ. d. num. 1.
litt. F. F.*, & cum idem Gubernator Generalis omnibus indistinctè
respondisset, quod accederent ad Domum suæ habitationis, asse-
curando Religiosos Refractarios, quod P. Sirac Prouincialis con-
trà eos non procederet, atquè causæ cognitio super omnibus Su-
periori Generali reseruaretur, præfati Religiosi Refractarij sub
uarijs prætextibus venire recusarunt, desiderando semper profe-
qui inceptam conspirationem ad effectum omnia distribuendi ad
eorum arbitrium in proximè futuro Capitulo Prouinciali, & tan-
tùm accessit præfatus P. Sirac Prouincialis, qui nil aliud yerè ama-
bat, quam Prouinciæ restitutionem ad suam pristinam pacem, &
Religiosam tranquillitatem *Summ. d. num. 1. litt. G. G.*

De huiusmodi facto monuit postmodum idem Exc'mus Capitaneus
Generalis Aulam Matritensem dicendo P. Herrera fuisse Principa-
lem, & Originarium motorem omnium discordiarum, & P. Sirac
Prouincialem ex confessione eorumdem Aduersariorum esse Vi-
rum cæteris Religiosiore, & doctiore, & non ex alia ratione,
quàm prò benè regulanda sua Prouincia pati huiusmodi iniurias,
& contumelias, & insuper etiàm dicendo P. Herrera velle manu-
tenere in Officio Administratoris cuiusdam Monasterij Monialium
eiusdem Ordinis nouæ fundationis, quemdam suum Cognatum,
violenter operando, nè Moniales possent reuidere computa admi-
nistrationis *Summ. d. num. 1. litt. H. H.*

Interea verò cum Consilium Regium sub die 5. Martij Anni 1714. ordinasset quod non peruenta adhuc Informatione Capitanei Generalis interim suspenderetur celebratio proximi Capituli Prouincialis, & vna simul daretur Cedula Secreta eidem Capitaneo Generali, & in casu quo Pater Herrera, qui erat Principalis Promotor Scandalorum non acquiesceret, eidem intimaret, vt è Prouincia discederet, & ad Aulam Matritensem sese conferret, & signato litterarum plico eisdem duobus Religiosis in Villa Matriti existentibus, isti discesserunt, iter faciendo versus Ciuitatem Gadicensem, & cum inibi non adinuenerint promptum Nauigium regressi fuerunt Matritum, & iterum sub die 27. Aprilis dicti Anni 1714., exponendo huiusmodi factum supplicarunt pro opportuna prouisione, quæ tamèn cum maior, & melior illa iam capta pro suspensione Capituli capi non potuisset, iterum cum eodem plico versus Insulas Canarienses discesserunt *Summario d. Num. 1. Litt. II. parte*

Ex alia verò parte, &, ferè contemporaneè hicin Curia Reuerendissimus Pater Generalis Summanticus vna cum suo Definitorio Generali benè sciens, & agnoscens totum id, quod factum fuerat in Partibus per P. Herrera, eiusque Assèclas non esse nisi veram Conspirationem, ad effectum indè, vt in proximè futuro Capitulo Prouinciali fieret ad sui voluntatem, & arbitrium tam Electio Ministri Prouincialis, quàm etiam omnium aliorum Officiorum Subalternorum, hinc sub die 16. Aprilis dicti Anni 1714. duo vna simul edidit Decreta, in quo rum vno cassauit, & annullauit supradictam Congregationem Intermediam, quo ad ea, quæ concernebant fauorem P. Herrera *Summario Num. 2., & in altero solemniter declarando conspirationem factam per P. Herrera, eiusque Sectatores, pronunciauit ea omnia, quæ gesta fuerunt per dictum Patrem Herrera, priuando Reu. P. Sirac Ministrum Prouincialem, eumque excommunicando, & propria auctoritate se ipsum asserendo Prouicarium Prouincialem eiusdem Prouinciæ, ac cætera alia armata manu, & tumultuariè agendo fuisse, & esse nulla irrita, attentata, violenta, iniuriosa, temeraria, & scandalosa, & insuper facultatem dedit Definitorio Prouinciæ formandi Processus contra prædictum Patrem Herrera, suosque adherentes, & contra ipsos procedendi vsque ad Sententiam definitiuam inclusiuè *Summ. Num. 3.**

Dum hæc tam in Curia, quam in Villa Matriti agebantur ad effectum reparandi tot, tantasque oppressiones, quibus Prouincia miserrimè præmebatur, interim Pater Herrera triumphabat, dum eueniente die 21. Aprilis Anni 1714. illicò celebrari curauit Capitulum Prouinciale, in quo & si Pater Prouincialis Sirac, ac P. etiam Megister Iosephus de Aghilera, & Angelus Fernandez tam nomine eorum proprio, quam etiam vice, & nomine omnium alio-

aliorum Religioſorum proteſtati fuerunt de nullitate Capituli, & omnium in eo agendorum propter apertam conſpirationem dicti Patris Herrera cuiusque Sectatorum, & quamuis iidemmet Religioſi proteſtantes nouas etiam eorum proteſtationes, & reclamationes adieciſſent, adhuc tamẽ illis non obſtantibus P. Herrera curauit expleri Capitulum Prouinciale, in quo nulliter, & de facto fuit electus P. Nicolaus Torres ad Officium Prouincialatus, & ceterę quoque peractę Electiones ſubalternę, quę omnes ceciderunt in perſonas eorundem Conſpiratorum, vnde omnes præcitati Religioſi proteſtantes ab ipſo Capitulo Prouinciali, omnibusque in eo per actis ſolemniter, ac ſolemniffimẽ ad Reuerendiſſimum Patrem Generalẽ, & ad Sanctiſſimum Dominum Noſtrum appellarunt, & prouocarunt, & Pater Magiſter Sirac Prouincialis abſolutus renuit ſubſcribere Acta huius Capituli Prouincialis, vt liquet ex eorum Lectura.

Post hæc, & ſub die 3. Iunij peruenerunt ad Inſulas Conarienſes illi duo Religioſi, qui ſecum ferebant plicum Regium pro ſuſpenſione Capituli Prouincialis, quibus ſtatim notificato à Patre Iosepho Coto Priore Conuentus Ciuitatis Lacunenſis quodam mandato de carcerando, adierunt Conuentum Patrum Dominicorum, vbi per aliquod temporis ſpatium morati fuerunt *Summario Num. 1. Litt. L.* ſed cum iam celebratum extiterit Capitulum Prouinciale, præceptum Serenniſſimi Regis pro illius ſuſpenſione nimis iuſta ratione promulgatum effectuari non potuit.

De his omnibus Excellentiſſimus Capitaneus Generalis, ac Gubernator Inſularum Canarienſium certiorauit Aulam Matritenſem eidem exponendo totam Facti veritatem, & remittendo Iuſtificationes, & documenta, vt ex ipſa relatione eiufdem Gubernatoris, de qua in *noſtro Summaſio Num. 4.*, vbi ipſe Gubernator plenẽ teſtat. poſt Congregationem Intermediam habitam in Conuentu Realexenſi totum, quod ſuccedebat in Prouincia erat continua conſpiratio *Summario dicto Num. 4. Litt. P.*, & vbi etiam implendo mandata de proponendis medijs opportunis pro pace Prouincię dixit, & propoſiuit pro ſuo vnico, & opportuno remedio, quod P. Herrera ardeat. adire Matritum, & quando pietas Regia permetteret eius reſtitutionem ad Inſulas Canarienſes, quod aſſiſtere minimẽ deberet, nec in aliquo ex Actibus Prouincię, quod Frater Ioannes Guirola Secretarius P. Sirac Prouincialis, qui ſubripuerat Sigilla pro conſpiratione in Conuentu Realexenſi, pro benemerentia factus fuerat Deſinitor in vltimo Capitulo Prouinciali, non exerceat amplius eius Officium, quod Frater Iosephus de Vargas accedat ad Hyſpanias, & in hoc (vt ait Gubernator) fiet magum Dei ſeruitium, quod Fr. Nicolaus de Torres Prouincialis electus tanquàm vnus ex Conſpiratoribus Conuentus Realexenſis, & totaliter Subordinatus, ac ven-

ditus arbitrio, & voluntati P. Herrera non exerceat munia Prouincialatus, quod Monialibus Conuentus Realexensis relinquatur liber vsus reddituum Monasterij, ac etiam libera facultas pro deputatione Administratoris, deyciendo quemdam Cognatum P. Herrera, ac etiam quemdam Presbyterum eius partialem eisdem Monialibus assignatum post per actum supradictum Capitulum, quodque demum Consilium Regium deputet personam, quæ ardeat dictum Cognatum Procuratoris Herrera ad reddendam rationem suæ administrationis *Sum. d. Num. 4. Litt. R. S. T. V. Z.*

In hoc rerum statu peruentis ad Villam Matriti pluribus hinc inde Religiosis, & adductis ex parte P. Herrera, eiusque sectatorum nonnullis informibus Documentis à suis partialibus confectis, & extortis comparuerunt Partes apud Consilium Regium, & fuerunt omnia remissa ad Dominum Aduocatum Fiscalem Generalem, qui de mense Decembris anni 1714. declarauit omnia vidisse, eidem Regio Consilio relaturus *Summario Num. 5.*, & facta huiusmodi relatione data fuit Cedula Regia, qua hoc negocium commissum extitit Reuerendissimo Episcopo Canarien. ad effectum, vt vna simul cum Excellentissimo Domino Capitanco Generali Partes componeret, & Prouinciam sedaret *Summario Num. 6.*, sed cum idem Reuerendissimus Episcopus respondisset, se non habere opportunam facultatem, & ad huiusmodi effectum fore recurrendum ad Sanctam Sedem, ideo Serenissimus Rex Hispaniarum iussit R. P. D. Molines tunc temporis suo Ministro in Curia, quatenus peteret à Sanctissimo Domino Nostro remissionem huius Cause per Breue eidem Episcopo Canariensi, quapropter porrecto supplici libello Sanctissimo Domino Nostro, eoque remisso ad hanc Sacram Congregationem, vbi expeditis per eundem R. P. D. Molines omnibus documentis in nostro *Summario registratis* dictum fuit sub die 29. Nouembris 1715. = *Eminentissimus Sanctæ Priscæ videat, & referat* = & relata postmodum Causa sub die 14. Februarij 1716. resolutum fuit vt infra = *Episcopo Canarien. qui cum facultatibus Sac. Congregationis provideat usque ad Capitulum Generale in omnibus, & certiorer Sac. Congregationem de executis* = *Summ. Num. 7.*

Expedito huiusmodi Decreto per R. P. D. Molines Administrum, eoque remisso ad Aulam Matritensem, & interim data permissione à Serenissimo Rege, vt Religiosi Ordinis Sancti Augustini in sua Ditione permanentes liberè valerent in eorum Ministrum Generalem recognoscere Reuerendissimum P. Summantium, aduenerunt postmodum ad Urbem de mense Maij, & Iunij proxime elapso ex vna Reu. P. Angelus Fernandez, & ex alia parte Reu. P. Nicolaus Torres assertus Prouincialis, & P. Iosephus Suarez eius Socius, & cum de eo tunc P. Generalis Summanticus, vti plenè de hac materia informatus, numquam fuisset Capitulum confir-

ma-

maturus, ut ipsemet testatur in sua Epistola, de qua in *Summario* Num. 8. suum Generalatus Officium laudabiliter terminasset, statim prædictus P. Torres secum ferens inter cætera omnes pecunias propria auctoritate contra prohibitionem Iuris, & Constitutiones Ordinis susceptas ex Arca Depositæ Conuentus Lacunensis *Summario* Num. 9., apud Definitorium Generale instare capite pro confirmatione sui Conciliabuli Prouincialis, & inuenit beneuolum Receptorem, cum Superiores Ordinis, excepto tantum Religiosissimo, & Zelantissimo Viro Procuratore Generali, minime dubitarent etiam more Belli ad petitam confirmationem deuenire, sed cum Causa iam reperiretur præcedenter instructa in hac Sacra Congregatione, illico reclamatum fuit ad R. P. D. Auditorem Sanctissimi, qui sub die 18. Augusti huius anni in contradictorio Partium declarauit Causam super nullitate, aut validitate Capituli Prouincialis spectare ad hanc Sacram Congregationem, attentapendentia litis, & vna simul inhiuit eisdem Aduersarijs, ne quidquam alibi, quàm in Sacra Congregatione innouarent *Summ. Num. 10.*

Post emanatum huiusmodi Decretum considerantes Aduersarij, quod si expectaretur factum, vel relatio Episcopi Canariensis, vel etiam R. P. Barcinæ Commissarij deputati per Reuerendissimum Summanticum Magnum eiusdem redundaret præiudicium, cum inde tota rei veritas promicaret, idè curarunt ab eorum beneuolo Vicario Generali obtinere reuocationem facultatis alias concessæ per Reuerendissimum Summanticum dicto P. Barcinæ, prout illam sub die 31. Augusti subsequenter obtinuerunt *Summario* Num. 11., & postmodum ex abrupto intimata nobis Propositione Causæ in hac Sacra Congregatione statim citauimus coram Domino Auditore Eminentissimi, & Reuerendissimi Domini Ponentis, habitoque contradictorio sub die Luna 6. currentis petebamus, & nimium iusta ratione, ut expectaretur relatio Episcopi Canariensis, sed remissa hac nostra Instantia ad hanc Sacram Congregationem, & communicatis, atque exhibitis contrarijs documentis sub die tantum Iouis 9. currentis, ut nec minus nostro muneri satis facere possemus, renouamus hodiè eandem instantiam supplicando rescribi = *Expectetur relatio Episcopi Canariensis* = & obtinere confidimus, prout reuerenter exoramus.

Quoniam vrget precisa necessitas expectandi relationem Episcopi Canariensis, tum attento stylo huius Sacræ Congregationis, tum etiam attenta dispositione Iuris, & quidem attento stylo huius Sacræ Congregationis, nam si & quoties proponantur Causæ non solet super illis capi resolutio, nisi prius circa veritatem hinc inde à Partibus expositorum audiatur Episcopus, non obstante, quod hic agatur inter Regulares, quia benè hæc Sacra Congregatio necessarium iudicauit esse audiendum Episcopum eidem rescri-

ben-

bendo, vt prouideret cum facultatibus eiusdem Sacre Congregationis, & de executis eandem Sacram Congregationem certioraret, quando igitur hæc Sacra Congregatio rem commisit Episcopo, & notificationem de executis exquisiuit non debet hodie assumi examen Causæ, nisi prius expectetur quid factum fuerit ab Episcopo, & quid per eum extiterit resolutum.

Prout etiam attentâ dispositione Iuris, iuxta quam cum omnimoda facultas fuerit in hac materia eidem Episcopo delegata non videtur hodie congruum, vt hæc Sacra Congregatio cognitionem huius Causæ nisi prius intelligat quid ab eo in Partibus gestum fuerit, nam aliàs posset dari casus, quod Episcopus ab hac Sacra Congregatione Delegatus pro vno Sententiam rulerit, & Sacra hæc Congregatio de hoc penitus inscia pro altero resolverit, & sic ne detur absurdum Sententiæ contra Sententiam expectari, utique debet relatio eiusdem Episcopi, *Felin. in cap. Significauerunt num. 8. de Iudic., Marchesan. de Commiss. union. Causar. part. 2. cap. 5. §. Vnico numer. 5., & sequentibus, Cardinalis de Luca de Jurisdiction. discurs. 76. num. 5., Menoch. de Arbitr. casu 371. per tot.*

Nec obstat, quod disputatio concernens validitatem, aut inualiditatem Capituli Prouincialis, nihil commune habeat cum Instantia, quæ facta fuit per R. P. D. Molines ad Ministrum Serenissimi Regis, & super qua prodijt rescriptum huius Sacre Congregationis, quia vltra quod in hac Sacra Congregatione non habet locum fieri ista disputatio, vt perperam supponit Pars aduersa, sed vna simul habet quoque disputari alterum Dubium = An, & quomodo sit prouidendum super scandalis in Prouincia exortis, & quibus etiam penis sint afficiendi Aduersarij; nempe Pater Herrera, Pater Torres, & ceteri Sectatores, qui ausu temerario conspirarunt contra Patrem Prouincialem Sirach, quique totam Prouinciã sub eorum tyrannico, & despotico Gubernio miserrimè oppressam detinuerunt, & adhuc detinent de præsentī, & ad lachrymabilem statum reduxerunt, dissipando Bona Conuentuum, in ijs retinendo Arma prohibita, & offensua, permittendo publicum Alearum Ludum, pernoctando extra Claustra vna cum Mulieribus, dimittendo Habitum Religiosum, & mille alia gerendo, quæ pessimis Viris, non autem Viris Religiosis conueniunt, adeo ut Prouincia Canariensis ex facto eorundem Aduersariorum non sit amplius Prouincia Religiosorum, sed Asylum malorum Hominum, vt liquet ex nostro Summ. tota num. primo, obiectum penitus remouetur ex pluribus.

Et primo quia connexio, & inseparabilitas vnus puncti ab altero plenè liquet ex eisdemmet documentis per eundem R. P. D. Molines, in hac Sacra Congregatione exhibitis, dum ista omnia specificè, & indiuidualitèr concernunt nullitatem Capituli Prouincialis, vt bene

benè resultat ex nostro *Summario dicto Num. primo litt. II.*, ibi ==
Per ouitare quelli inconuenienti, che poteuano nascere quando si cele-
brasse il Capitolo dal Maestro Herrera per essere molto propinquo il
tempo di celebrarlo, & rursus ex relatione Excellentissimi Guber-
natoris, & Capitanei Generalis, *Summario dicto Num. 4. litt. F.*, vbi
narratur electionem Prouincialis, & ceteras cecidisse in personas,
quæ conspirarunt contra Patrem Prouincialem Sirach, non ex alia
ratione, quàm ex dispotico Gubernio Patris Herrera, qui cùm suis
Sectatoribus totam Prouinciam ad sui libitum dominatur, seu, vt
meliùs dicam desolatur, & plenè comprobatur eodem *Sum. d. 4. 4.*
litt. G., H., & P.

Secundò quia ex ipsamet natura Rei constat adesse inseparabilem
connexionem, nam documenta exhibita ex parte R. P. D. Molines
sub nomine Serenissimi Regis consistunt in relatione Gubernato-
ris, & Capitanei Generalis Insularum Canariensium data ad Con-
siliū Regium, quæ est magni facienda, tamquàm exarata à Perso-
na Illustri, & existente in faciem loci rursus consistunt in alijs iu-
stificationibus præcisè suadentibus conspiracyem P. Herrera,
aliorumque eius Sectatorum in Patrem Prouincialem Sirach non
alio fine, quàm ad effectum celebrandi proximum Capitulum Pro-
uinciale, iuxta eorum voluntatem, itidè consistunt in pluribus
Decretis Regijs pro suspensione eiusdem Capituli Prouincialis,
quæ propter inconstantiam Maris peruenire non potuerunt tempo-
re opportuno, & deniquè consistunt in pluribus alijs actibus, ex
quibus apparet fuisse priùs per P. Sirach Prouincialem decretam
citationem aduersus P. Herrera, Patrem Nicolaum Torres, alios-
què Religiosos Refractarios, & deindè fuisse contra eosdem de-
uentum ad promulgationem excommunicationis, & affixionem
Cedulorum, toto nostro *Summ. Num. primo*, & signantèr *litt. AA.*,
& *BB.*, quandò igitur hæc omnia Documenta concludunt apertis-
simam conspiracyem, & præferunt incursum in excommunica-
tionem eorundem Aduersariorum, & quis vmquam negare pote-
rit, quod hæc omnia influant pernecesse in nullitatem Capituli
Prouincialis, cùm Capitulum celebratum præuia conspiracye,
quæ in casu isto fuit vndiquè enormis, quæquè comprobata re-
mansit ex facto subsequuto, dùm omnes electiones factæ fuerunt in
personas eorundem Conspiratorum, dicatur ipso Iure nullum, &
tale etiam sit quoties, prout hic suffragarunt excommunicari, & il-
le etiam, qui fuit electus nempe P. Torres, eodem quoquè vincu-
lo excommunicationis reperiebatur innodatus, de plano assequi-
mur Causam introductam in hac Sacra Congregatione ex docu-
mentis exhibitis, & Instantijs factis per R. P. D. Molines habere
necessariam, & inseparabilem connexionem cùm Instantia, quæ
hodiè fit exaduerso, cùm vnum pendeat inseparabiliter ab altero,
tamquàm effectus à sua Causa, nequè possit iudicari super

puncto prætensæ validitatis electionis, nisi prius Iudicium proferatur super puncto Conspirationis, & Excommunicationis.

Tertiò demum, quia habemus decretum R.P.D. Auditoris Sanctissimi *Summario Num. 10.*, quo Iudicata fuit huiusmodi connexio, & inseparabilitas, nam prætendentibus Aduersarijs, quod punctus ille super confirmatione prætensi Capituli Prouincialis remitteretur ad Patrem Vicarium Generalem, eiusque Definitorium, propter illam rationem, quod nihil commune haberet cum dissentionibus, & discordijs in Prouincia exortis, adhuc R.P.D. Auditor hanc quoque controuersiam remisit ad hanc Sacram Congregationem, non ex alio motiuo, quam connexionis, & inseparabilitatis, dum subsistentibus omnibus gestis per Patrem Prouincialem Sirach, & sic excommunicatione P. Herrera, P. Torres, & aliorum sequacium, & subsistente etiam causa conspirationis, proût reuera subsistunt, nascitur in necessariam consequentiam euentissima nullitas prætensi Capituli Prouincialis. Vndè benè, & vsquè ad euentiam promanat, quod vnus punctus est ab alio inseparabilis cum habeant inter se necessariam connexionem, & independentiam.

Accedente præmissis illa alia validissima facti circumstantia, quod Pater Torres Aduersarius sub specioso prætextu pendentis litis in hac Sacra Congregatione clam obtinuit à beneuolo Vicario Generali reuocari facultatem aliàs datam per Reuerendissimum Summanticum Patri Barnabæ Baccina de visitando Prouinciâ Canariensem *Summario Num. 11.*, proptereaquæ eò magis crescit necessitas expectandi relationem Reuerendissimi Episcopi, cum nimis clarè appareat Aduersarios nolle veritatem patefieri semperque odijse lucem.

Nihil releuante si opponatur, quòd à die 14. Februarij 1716., quo data fuit commissio Episcopo Canarien. cum omnibus facultatibus hujus Sac. Congregat. effluxum sit tempus 22. mensium, quia si consideremus, quod decretum huius Sacre Congregationis remittendum erat ad Insulas Canarienses, & indè debebat Episcopus sumere diligentem Informationem, & plures etiam Processus, formare contrà delinquentes, posteaquè suum proferre Iudicium, suasque sententias promulgare, & de executis hanc Sacram Congregationem instructam reddere, non est quid mirum, quod per spatium 22. mensium nondum ad Urbem peruenerit relatio ejusdem Episcopi, vltra quod non est vlla attribuenda negligentia nostris Religiosis cum decretum Sacre Congregationis non fuerit ab eis expostulatum, & expeditum, sed ab R.P.D. Molines nomine Serenissimi Regis, qui cum illud obtinuerit, & ad Aulam Matritensem remiserit, nulla subest hodiè ratio, nullumque
adest

adeſt principium , quo Aduerſarij de Principalibus conquæ-
rantur .

Minuſquè facit , ſi dicatur quòd P. Torres Aduerſarius iam termi-
nauerit integrum triennium ſui prætenſi Provincialatus , quodque
Vicarius Generalis vna cum ſuo Definitorio tueatur Partes Patris
Torres pro confirmatione Capituli ; Nam quoad primum parum
refert , quod fuerit expiratum Triennium , quia hoc interim fuit
ſemper agitata Liſ apud Conſilium Regium in Villa Matriti prop-
ter Regiam Prohibitionem de non habendo recurſu ad Patrem
Generalem Summanticum , qui iam cæteroquin agnouerat nulli-
tatem eiufdem Capituli , *Summario dicto Num. 8.* , & viſ non ſtat
in terminatione Triennij quia hæc nullum Ius tribuit prætenſo
Electo , ſed in examinanda electione cum omnibus ſuis circum-
ſtantijs antecedentibus , & concomitantibus , & valdè intereſt
huius Parti , vt declaretur nullitas electionis non obſtante lapſu
Triennij , cum ità tam Pater Torres aſſertus Prouincialis electus ,
quàm cæteri alij Definidores , & Officiales nequeant gaudere illis
Priuilegijs , & prærogatiuis , quibus gaudent , & gaudere ſolent
illi Religioſi , qui fuerunt legitimè electi Prouinciales , & Defi-
nidores , & iſte punctus inter Partes eſt valdè præiudicialis , &
conſiderabilis , cum ex ſubſiſtentia , vel inſubſiſtentia huius Ca-
pituli remaneat , vel notabiliter adaucta , vel diminuta Authori-
tas P. Herrera , qui vſque adhuc diſpoticè dominatus fuit , & do-
minatur , & de præſenti totam Prouinciã .

Quo verò ad ſecundum quid quid ſit de inclinatione P. Vicarij Ge-
neralis eiufque Definitorij pro pretenſa confirmatione Capituli
de qua tamen non conſtat , nihil de ea curandum videtur , quia
vltra præoccupationem huius Parti bene notam ſat eſt reflektère ,
quod hodie non examinatur cauſa apud Superiores Ordinis , ſed
apud hanc Sacram Congregationem , quæ non mouetur ex illo-
rum ſuggeſtione , ſed ſuas capit resolutiones ad tramites Iuris ,
cuique ſuum Ius , & Iuſtitiam miniſtrando , vltra quod in hac par-
te ſupplicamus humiliter EE. PP. quatenus benignè dignentur re-
flektère ad duas circumſtantias , quarum altera eſt quod P. Ge-
neralis Sumanticus vir omni laude digniſſimus bene agnouit hanc
nullitatem Capituli , & nunquam voluit pro toto tempore ſui Ge-
neralatus illud coconfirmare ; Altera vero eſt , quod Religioſiſſimus
Vir modernus Procurator Generalis bene conſcius de tota facti
ſerie , & ſolum Deum , ac Iuſtitiam , & honorem Religionis præ-
oculis habens ſemper in omnibus Congreſſibus exclamauit nulli-
tatem huius Capituli , proteſtans claris verbis ſe nunquam fore
ſubſcripturum ſententiam , ſeu decretum eiufdem Capituli con-
firmatorium .

Hæc ſufficiunt pro nunc , & ad noſtram Inſtantiam , at quando cauſa
pro-

proponetur tunc Deo dante nostra lura deducemus , ex quibus
clare , & vsque ad euidentiam probabitur nullitas prædicti Capi-
tuli , seu Conciliaboli , & vna simul quoque demonstrabimus
omnes angustias , & oppressiones quas patitur Prouincia ex Ti-
rannica dominatione P. Herrera eiusque sequacium super qui-
bus vnico eodemque contextu pro opportuna prouisione suppli-
cabitur .

Quare &c.

Antonius Gerardus .



THE
LIBRARY
OF THE
MUSEUM OF
COMPARATIVE ZOOLOGY
AT HARVARD UNIVERSITY
CAMBRIDGE, MASS.
1881

Sacra

CONGREGATIONE

Episcoporum, & Regularium

Emo, & Rmo D. Card.

G V A L T E R I O

IN LOCVM

Emi, & Rmi D.

C A S I N

PONENTIS

Canarien.

P R O

Reu. P. Ioanne Sirac, alijsque Religio-
Ord. Heremitarum S. Augustini
Prouinciæ Canarien.

C O N T R A

Reu. P. Nicolaum Torres, alijsque Re-
ligiosos eiusdem Prouinciæ.

MEMORIALE FACTI

Memoriale Facti.

— Typis De Comitibus 1717